

ՇՆՈՐՀԱՎՈՐԱԿԱՆ ՈՒՂԵՐՁ

ԱՐԱՐԱՏ ԽՈՇՈՐԱՑՎԱԾ ՀԱՄԱՅՆՔԻ ՂԵԿԱՎԱՐ ԱՍԼԱՆ ԱՎԵՏԻՍՅԱՆԻ՝ ԱՄԱՆՈՐԻ ԵՎ ՍՈՒՐԲ ԾՆՆԴՅԱՆ ՏՈՆԵՐԻ ԱՌԹԻՎ

Սիրելի՛ Արարատ համայնքի բնակիչներ,
Ի սրտե շնորհավորում եմ բոլորիս՝ Նոր տարվա և Սուրբ Ծննդյան տոների
առթիվ:

Առանձնակի ուզում եմ շնորհավորել Արցախից բռնի տեղահանված և մեր
համայնքում բնակություն հաստատած մեր հայրենակիցների Ամանորն ու
Սուրբ ծնունդը: Մենք բոլորս միասին ինչպես մի ընտանիք ամեն ինչ արել ենք
և անելու ենք, որպեսզի դուք ձեզ զգաք մեր համայնքի լիիրավ անդամ և
հնարավորինս արագ ինտեգրվեք համայնքային կյանքի բոլոր ոլորտներին:
Ես վստահ եմ, որ համախմբված և սրտացավ աշխատանքի շնորհիվ, բոլորս
գերնպատակ: դարձնելով մեր պետության հզորացումը, տոնելու ենք նոր
հաղթանակներ և հետ ենք բերելու ամենաթանկը՝ Արցախ աշխարհը:

Ամփոփելով անցնող տարին՝ վստահաբար կարող ենք արձանագրել, որ այն
հաջողությունների ու ձեռքբերումների տարի էր մեր համայնքի համար:
Հետևողական աշխատանքով մենք կարողացանք առաջընթաց արձանագրել
և հաջողությամբ կյանքի կոչել սոցիալական նշանակության բազմաթիվ
ծրագրեր: Այդ ամենում անչափ կարևոր էր ձեզանից յուրաքանչյուրի
դերակատարումը: Ձեր վստահության, աջակցության շնորհիվ մենք
կարողացանք ևս մեկ քայլով մոտենալ մաքուր և գեղեցիկ, ապահով ու
հարմարավետ համայնք ունենալու մեր տեսլականին: Համոզված եմ, որ նույն
նվիրումով աշխատելու ենք այսուհետ նույնպես, որպեսզի եկող տարին լինի էլ
ավելի լավ:


Թող այս եկող Նոր տարին երջանկություն, սեր ու համերաշխություն
պարգևի բոլորին: Թող որ անցնող տարում մնան բոլոր հոգսերն ու
դժվարությունները, և բոլորս միասին, լավատեսությամբ զինված, դրական
լիցքերով ու սեփական ուժերի նկատմամբ վստահությամբ մտնենք նոր տարի:
Թող 2024 թվականը լինի ստեղծագործ աշխատանքի ու տնտեսական
առաջընթացի տարի:

Թող սերն ու բարությունը, լիությունն ու խաղաղությունը թագավորեն
յուրաքանչյուրիդ ընտանիքում և թող 2024 թվականը դառնա մեր բոլորի
երազած հայրենիքի վերելքի, տնտեսական ու քաղաքական ձեռքբերումների
և ամենակարևորը խաղաղության տարի:

Եվս մեկ անգամ ջերմորեն շնորհավորում եմ և սիրով միանում Ձեր
ընտանիքներում հնչող տոնական բարեմաղթանքներին:

Շնորհավոր Ամանոր և Սուրբ Ծնունդ ...

ՀԱՄԱՅՆՔԻ ՂԵԿԱՎԱՐ՝



ԱՍԼԱՆ ԱՎԵՏԻՍՅԱՆ

